

湖北詩徵傳略

湖北詛徵傳略卷三十七目錄

宜城

周

宋

玉

逸

子延

唐

柳

識弟渾

王仕源

明

郭

綬

邱

瑜子之陶

國翰

關

甯

易炳蔚

周輝先

張樹藩

南漳

明

周

夢陽

魯點

方未壯

國翰

鄭子恭

秦士鶴

張尙治

袁敏

棗陽

漢

鎰

珍

明

袁宗伯

國翰

謝兆蘭

錙我

衛瞻淇

史策先  
史仲先

穀城

宋

王虫望

孫學可

楊

舟

方岳貢  
鑑夢桂

閻秀銘

氏

國翰

李洵

陳浩

方曰璪

方其敬

光化

宋

石深

張本遜

國翰

盧正憲

均州

明

鍾岳靈

國朝

王重彥

朱琪

郭嘉屏

湖北詩徵傳略卷三十七

宜城

孝咸丁宿章星海輯 子璠校字

周宋玉

玉史記謂楚鄢人也今宜城地屈原弟子雋才辨給善屬文爲楚大夫閔其師原忠而放逐乃作九辯以述志唐勒諷之于襄王復著賦以自見後世脩辭者祖之

通志

大言襄王與唐勒景差宋玉遊雲陽之臺玉令各賦大言唐景皆不如王意玉乃賦曰方地爲輿天爲蓋轡弓挂扶桑長劍倚天外玉休歸唐勒諷于王曰玉爲人身體容冶內多微辭出愛主人之女入事大王願王疏之王責玉玉乃侈陳主人之女述

其艷歌云歲將暮今日已寒中心亂兮勿多言

東漢

王

逸

字叔師元初中舉  
上計吏官侍中

子延壽

逸有雋才著楚辭章句其他賦誄書論雜文凡二十一篇

逸集屈原以下迄劉向之文晉摯虞繼爲文章流別昭明太子

祖述之以爲文選又作漢詩百二十三篇

山堂肆考

琴思云盛陰修夜何難曉思念糾戾腸摧繞時節晚莫年齒老  
冬夏更迎去苦顏寒來暑往難逐追形容減少顏色虧時忽曉  
曉若驚馳意中私喜施用爲內無所恃失本義志願不得心肝  
沸憂懷感結重歎噫歲月已盡去奄忽亡官失祿去家室思想  
君命幸復位久處無成卒放棄

延壽字文考一字子山少富材藻遊魯著靈光殿賦嗣蔡邕亦  
爲此賦未成見延壽作甚奇之遂爲輟翰時有異夢惡之乃作  
夢賦以自厲後溺死年二十餘

後漢書  
文苑傳

延壽與父逸至太山從鮑子貞學算至魯賦靈光殿歸度湘水

溺死洞庭湖

博物志

桐柏廟云汭汭淮源聖禹所導湯湯其逝惟海是造疏穢濟遠  
柔順其道弱而能強仁而能武聖賢立式明哲所取定爲四瀆  
與河合矩烈烈明府好古之則虔恭禮祀不愆其德惟前廢弛  
匪恭匪力災眚以興陰陽以忒陟彼高岡臻茲廟側肅肅其敬  
靈祇降福雍雍其和民用悅服穰穰其慶年穀豐植望君輿駕

扶老攜集慕君塵軌奔走忘食懷君惠貺思君罔極于胥樂兮  
傳於萬億

唐柳識字方弟渾

識篤意文學蕭穎士元德秀劉迅同時齊名而練理創端往往  
詣極雖趣尚非博當時作者服其簡拔與弟渾互相師友并以  
詩稱于時

渾字夷曠初名載天寶登第官同平章封宜城伯謚曰貞志學  
棲貧性喜放曠不樂檢束官尚書右丞值朱泚之亂匿終南山  
泚執其子榜笞之奔行在授平章與張延賞同列延賞怙權矜  
已嫉渾守正遣親厚謂曰明公舊德第慎言位可久渾令謝張

公渾頭可斷舌不可禁遂罷爲常侍渾警辯好談諱與人交意  
向豁如然性儉樸多質直少威儀不營產利善詩文有集十卷  
宏簡錄

渾早孤方十餘歲巫告曰兒相天賤爲浮屠可緩死諸父欲從  
其言渾曰去聖教爲異術不若速死學愈篤興游者皆有名士  
新書書本傳

### 王仕源

仕源襄陽處士天寶元年詔號亢桑子爲洞靈真經而亢桑子  
求之不獲仕源謂莊子作庚桑子太史公列子作亢倉子其實  
一也取諸子文義類者補其亡爲二卷

唐書藝文志



仕源宜產也藻思清遠深鑒文理所撰孟襄陽詩序其文清綺

似魏晉間人詩尤超拔可喜

王阮亭蜀道驛程記

明

郭

綬

字朝儀正德舉人官知縣

故襄城云英雄事業委坵墟禾黍秋風匝四隅兩眼塵沙封舊井  
數家煙火傍荒渠鳥啼花落今何在水咽山愁氣未舒立馬  
不勝傷往事夕陽牧笛數聲餘

邱

瑜

字德如天啓進士官大學士

子之陶

瑜崇禎時屢進讜言多採納及爲侍郎四召對言督師孫傳庭  
出關安危所繫慎勿促之輕出俾鎮定關中猶可號召諸將相  
機進討帝不能從旋與范景文同入閤都城陷爲賊所執絕命

祠有護書萬卷知何益  
留取先賢正氣歌  
榜掠不屈死

之陶少有膽略自成陷  
宜之陶被獲自成甚愛其才用爲兵政  
府從事守襄陽委以留務襄陽尹牛佺賊相金星子其倚任不  
如也之陶潛以蠟書與督師孫傳庭約與戰以圖反正傳庭報  
書爲賊所得事敗之陶罵曰吾恨不斬汝萬段豈從汝反乎支  
解死

國朝

關

甯

字幼安號龍淵拔貢  
官通判有木香吟

甯家木香村故段成式別業嗜古溺學工詞章撰段園詩話官  
廣西平樂值吳三桂入寇強授僞官不從逃隱深箐以終

易炳蔚

走馬隄懷古云武安驅動咸陽兵秦人飲馬下宜城城東築隄  
如龍形形如遊龍走馬名沿隄虎狼列秦營畫角一聲秋月明  
千騎萬騎隊已成猛將猊甲歐刀橫騏驎汗血服方睛鞭揮珊  
瑚逐風輕潮湧蹄鐵蹴踏聲守陣楚人心膽驚秦楚往矣代幾  
更此隄非芊亦非羸隄上更無秦人行惟餘春草年年生

周輝先

字蓮湖  
貢生

鄧子臺云鄧子分封舊荒涼尙有臺殘蝸畱碧篆斷礎蝕蒼苔  
堞影移雲過鐘聲送月來杜鵑啼不住吊古有餘哀

張樹藩

九日同寶田楊少尉宋玉宅登高云良辰古屋一尊開騷怨離

愁強放懷入座寒花迎客至傳聲旅雁作賓來幸無風雨宜良會如此山河要賦才經語齊諧兼雜笑風流我最愛蘭臺

南漳

明 周夢賜

字啓明萬曆進士官知府有青溪詩集水部備考考工記評常談考誤等書

夢賜督學河南有衡平鑑清之譽以叅政分守徐州迎母不至遂乞歸跬步不離膝下者十五年

瀟谿云路盡不知寺到門生遠情是山皆樹色無地不泉聲鳥語間時聽鐘聲靜夜鳴翛然成獨往陡覺夢魂清夏日遊靈泉寺云一碗泉歇馬三湧井供僧吸入郊原去焦枯得未曾

魯

點

字子與萬曆進士官郎中有澹齋草黃樓草齊雲山志杜詩類韻

點初除廣州推官折獄忤時拂衣奉母歸起補休甯令邑有限  
有亭有祠皆以魯名御史金聲爲之記擢戶部郎主滇試督漕  
徐州卒于官所遺惟圖書數簏而已

點所編齊雲山志黃樓集紀曉嵐先生皆錄入四庫徐州黃樓  
爲東坡在官日所築點因哀東坡詩文之作于徐州者爲此集  
故以黃樓標名也

嶺南湛若水先生偕新安諸生講孟子盡心章於齊雲山之天  
泉因賦之以示同志云逍遙訪名山早晚到天泉天泉泉何如  
天一爲之源天以一而清泉以一而靈物以一而生心以一而  
明明者心之德三才同一極自得還自昭天然絕人力此泉君

自酌自酌還自得中味鮮人知人莫不飲食

方叔壯

字芭田萬厝舉人官知縣

白馬洞懷清谿云凌空磴道千盤擁古洞幽深草樹連白馬經過來此地赤烏僧住是何年石嵌雪乳沾吟袖鳥蹴山花落講筵因憶蘇門清嘯者洞靈千載藉丹鉛

魯憲學

字爾章崇禎舉人有煙波江上草紫塞篇蕭溪集

憲學博學善屬文精書畫詩古文詞

爾章從漢上攬轡中州歷宛雒之勝擊筑燕薊觀京國之光正馬出居庸道上谷至雲中探馬邑雁門之險所至輒有詠自題曰紫塞志壯遊也丈夫苦無四方志耳苟有志四方足蹟所至

學問經濟何事不可辦爾章至一地輒與其賢士大夫遊一方  
吏乘必盡心目之力搜討數回登高眺遠則尙友古人間俗采  
風則近延時彥抑何麗而則婉而多風也 節劉夢桂撰詩序

喜聞官兵退賊和范大夫新作云千櫓林林逼斗城鳴弓飲羽  
著威名朱絃坐靜山皆響 公好琴 清嘯樓虛月滿楹曉郭不驚全

陳肅春流無恙小橋橫軍中一范懸時望玉嶺風聲草木兵臨  
沮山謠云地爽宜秋色山高易夕陽雲來蕭寺裡泉石散幽香  
杖策來山徑山深徑欲窮野橋人跡斷得問采芝翁絕頂望長  
江非馬亦非練縹緲千峰端微茫百里見四壁無立地眞眞是  
石莊好尋赤松子端坐學休糧東城凱歌爲守備戴熙和賦云

霹靂衝鋒震地鳴憑將隻手障孤城旗鎗閃閃紅巾落奪臂千  
山共一聲

國朝

鄭子恭 字孟肅

葉文敏方藹集有京都贈鄭孟肅詩云禁裏秋光似水澄校書  
終日對良朋恩深共擁三重席寒重先思半臂校暮齒自羞識  
路馬俊才真羨得霜鷹相看詩興誰偏健儘讓蜚弧及早登自  
註名子恭南漳人文敏文章勛業冠絕一時登其門者皆當世  
材俊之士味其詩意孟肅似以文學之士供事內廷而出公門  
下者也乃邑志竟佚其姓名益慨夫士負著作之才以金榜無  
名而每湮沒于鄉里使非挂名名賢集中鮮有不與草木同腐



者孟肅若無著述可稱文敏何心折如此錄文敏贈詩以爲苑  
訪之券

秦士鶴

字松巢

士鶴以詩歌擅名尤喜琴工書畫兵備監司魯公之裕嘗稱其  
書法好用枯墨蒼勁有雲林畫意畫則不株守古人成法隨意  
揮灑皆有神味有彭瑤者不知何許人亦善畫館于士鶴家十  
餘年卒士鶴以禮葬之

張尙治

字平軒貢生有  
針齋集八卷

尙治少孤力學事母以孝聞九闡不售老于明經

漢孝子丁蘭刻木橋云至孝通天地愚誠動鬼神橋頭古明月

猶照漢時人

楊

濯

字石齋諸生  
有所見詩集

石齋苦學嗜詩雖四壁蕭然而吟哦不倦其詩清微淡遠視時  
下之無面目可尋者奚啻霄壤石齋以黔婁之貧抱伯道之恨  
抑塞幽悶極其思之所至往往見山水花鳥魚蟲悉託而見之  
于詩詩或不盡可傳而其苦心孤詣自有不可泯滅者

節曹湘  
蓮撰詩

序

水鏡莊懷古云突兀擁層峰峭壁石色古人語響空山僻徑塞  
芳杜嵌空穴玲瓏鐫削疑鬼斧積翠浮孤煙風光時吞吐雲樹  
蒼茫中高士誰接武琴聲寂不聞惟見牧與豎水鏡莊有懷云

勝地絕人寰幽居世慮剛溪深流水靜洞古落花閒無復騎牛  
去空嗟躍馬還邨煙何處鎖樵逕雜嵐斑

袁

敏

字蒼水諸生有  
索笑山房詩集

敏守介履端以友愛聞工詩畫有孤帆月一雙之句學使洪公  
擊節稱賞至有黃絹幼婦之評家貧授徒簞瓢不繼淡如也  
水鏡莊漫興云選勝何須定蓬島置身蓬島無人曉雨餘拾翠  
洞天寬風過尋香林麓窮絕俗喜與猿鳥親無絃韶獲溪聲遠  
間如水鏡坐相陪許我默應稱好好

何玉田

字成魯

玉田工詩善畫寫水山松柏老筆蒼然家貧清苦自甘喜與後

學談藝論詩竟日夕不倦

水鏡莊後半首云一徑何曾埋隱跡三分到底屬虛名從知心  
鏡明如水流入長江萬古清

棗陽

漢劉

珍字秋孫一名寶

珍少好學永初中爲謁者僕射鄧太后詔使與校書劉陶駱馬  
融及五經博士校定東觀五經諸子傳記百家藝術整齊脫誤  
是正文字永寧元年太后又詔珍與陶駱作建武以來名臣傳  
遷侍中越騎校尉延光四年拜宗正轉衛尉卒著誄頌連珠古  
詩凡七篇又撰釋名三十篇以辨萬物之稱號

楚寶

明  
袁 坦 字牧庵  
明經

賦別毛子霞先生云商歌拂劍橫秋水浩然歸向雲山裏丈夫  
行意安苟容漫等平原門下士江漢東連震澤波鹿門樹入郢  
門多翻因作客頻相對倏任扁舟去則那庾公見月同登處疏  
雨梧桐相憶何 楚詩紀

袁宗伯

送管明府擢廣州云佐政羊城去蒼生擁道遮民皆失所怙公  
亦視如家厖靜千村月鶯啼一縣花桐鄉多少淚痛灑向天涯  
國朝  
謝兆蘭

白水村懷古云新室竊據非其有民急去之脫虎口蟻聚蜂屯

紛妖魔盜名字者十八九德幾灰無復存卯金鼎折等拉朽  
人心思漢天運回鴻業仍歸赤龍冒絳衣大冠起草萊白水眞  
人作元首天戈所指失險夷關西河北持牛酒攀龍附鳳攬英  
豪投戈講藝傳檄走一代中興豈偶然力無大小德薄厚君不  
聞四七之際火爲主雲臺列宿照萬古又不聞赤劉之九會昌  
符當日會上封禪書

劉 哉

夏日登青峰山云西北多平行東南美谿山茲峯最突兀矗立  
青雲端羣山如拱立羅列而巒岿其陰有習洞石泉聽潺湲吾  
性嗜山水支筇屢躋攀足力覺已疲小憩盤石間憑高極瞻矚

清言卷三十一  
履險愁心顏好風從西來飄飄六月寒吹我毛髮動愁絕葛衣  
單欲去心夷猶言隨飛鳥還

衛瞻淇

寺莊懷古云落日宜秋聚停鞭問古風人猶習忠孝地昔產英  
雄四野烽煙靜千年壁壘空丹楓林外樹猶似戰旗紅

史策先

號吟舟道光進士官御史  
有寄雲館詩鈔夢餘偶鈔

吟舟先生少卽溺苦于學窮討典墳博通經濟通籍登朝慨然  
有用世之志一麾出守踴躋簿書乃決意歸田肆力著述詩宗  
晚唐而采石一篇又酷似太白才人固不可以一格繩也

給諫詩學香山憤道俗情所謂老嫗能解者也造詞選語望似

淺易而寄託深遙音流弦外如煙水亭不倒翁仲翁門神鐙蛾  
流鶯感懷歸鳥詠蟹等作諷諭勸懲一唱三歎皆得風人之遺  
旨

施雲松簷眼雜記載儀真縣地名仙人掌有柳耆卿墓王阮亭  
眞州詩云殘月曉風仙人掌路何人爲弔柳屯田指此然獨醒雜  
志柳耆卿風流俊逸聞於一時旣死葬於棗陽縣花山每遇清  
明人多載酒殺飲於墓側謂之弔柳會然則柳墓不在眞州也  
雲松過仙人掌詩云一邱兩地共爭高只爲填詞絕世豪漢上  
有墳人弔柳漳南多塚客疑曹金莖名竟移沙渚鐵板聲休唱  
浪淘我趁曉風殘月到縱無魂在也蕭騷觀此則柳墓在棗陽



無疑按花山在縣東南三十里才人故蹟半墮微茫若好事者  
爲之鐫石以誌其處亦詞苑之美談也余賦詩云章陵軼事說  
清明都向花山拜柳卿殘月曉風何處岸荒煙蔓草此間坐紅  
牙共唱銷魂曲金掌偏留弔古情獨醒一篇廬陵曾達臣撰眞據在從  
今兩地不須爭夢餘偶鈔

白水寺謁漢光武帝祠集唐云白水龍飛已幾春韓愈鳳樓回首

落花頻李郢曾經轉戰平堅寇楊巨源重與江山作主人張籍片石孤

雲窺色相李頎荒祠古墓對荆榛劉禹錫相逢莫話金鑾事韓偓魯酒

何堪醉近臣鮑防水態含青近若空蘇頌棲鸞樹杪出行宮蘇頌行人

莫問當年事許渾聖主偏知漢將功韓翃幾處園林蕭瑟裏杜甫數聲

鷄犬翠微中

劉威

三千年後知誰在

羅隱

一體君臣祭祀同

杜甫

誰送

春聲入櫺歌

元稹

門前不改舊山河

趙嘏

客星辭得漢光武

徐寅

勳業

終歸馬伏波

杜甫

渭水晴光搖草樹

賈曾

漢南春色到潯沲

李益

娟娟

知有西林月

劉滄

望斷平時翠輦過

李商隱

山水空言是故鄉

皮日休

數聲鐘鼓自微茫

張泌

愁看地色連空色

司空圖

便下襄陽向洛陽

杜甫

官舍已荒秋草沒

劉長卿

翠簾初捲暮山蒼

杜甫

至今南頓諸耆

舊溫庭

猶自千回問漢王

沈彬

一上高樓萬里愁

許渾

白雲猶似漢

時秋岑

百年雨露承恩澤

失名

萬國衣冠拜冕旒

杜甫

翠輦不來金

殿閑陶雍

香煙欲傍衮龍浮

王維

君王舊蹟今人賞

杜甫

寺下春江深

不流杜甫

雲臺高議正紛紛

李商隱

瑞氣東移擁聖君

陳上美

四尺孤

墳何處是

許

一渠流水數家分

項

金吾舊侶君先貴

許

漢閣笙

歌日又曛

沈

龍虎勢衰佳氣歇

李

子孫相約事耕耘

李

干

里關河百戰來

吳

安危須仗出羣材

杜

牆頭細雨垂纖草

張

岩

畔古碑空綠苔

許

沙鳥不知陵谷變

劉

簷花應待御筵開

宋

之

神靈漢代中興主

杜

欲掉漁舟近釣臺

李

白水青山空復春

還符白水出真人

姚

榮華不肯人間住

薛

水木空疑夢裏身

百丈遊絲空繞樹

盧

數家煙火自為鄰

朱

傷心不忍問耆

舊

杜

何處南陽有近親

韓

采石磯太白酒樓云生不願封萬戶

侯願向酒泉築槽邱死不願作芙蓉主願化酒星依牛斗長鯨

吸海去不還人間何處覓酒仙滄海桑田有時變此樓足支三

千年鷓鴣杓葡萄盞百年三萬六千朝日日杯中物常滿有時  
仰天大笑歌落梅興酣落筆玉山頽有時醉眠長安沽酒市天  
子呼之不肯至心中早識郭汾陽眼底那知高力士東臥浮雲  
泰岱巔搔首問天天亦憐西遊踏碎峨眉月熱腸冷沁古時雪  
遨遊人間不稱意老向江南作狂客上有百尺不搖之高樓下  
有萬丈不測之清流左牽五花馬右擁千金裘一醉累月不知  
醒夢中時作天姥遊嫦娥催我還招我上青天著我醉墨淋漓  
之宮袍駕我鳳笙龍管之樓船我欲天閭尋玉女投壺賭取元  
霜杵更訪瑤池阿母家飽看千秋碧桃花笑認青天作江底翻  
身跳入蛟宮裏足跨六鼉頭鞭驅九龍尾狂真欲死死仍狂從

此吟魂呼不起吁嗟乎吟魂不起已千年高樓依舊枕江邊采  
石磯荒石不滅耿耿星精懸太白賦懷云悔煞雲山說壯遊傷  
春未了又悲秋愁如夜月隨時滿跡似飛鴻到處畱夢裏邯鄲  
誰借枕眼中滄海怕登樓此心安得頑如石任說法華不點頭  
蜃磯孫夫人廟云長江鐵鎖下藤艦環珮聲沈夜月中西蜀君  
王原贅壻東吳兒女自英雄魂銷江右流難轉淚灑巫雲夢已  
空千古無窮家國恨年年銅雀怨東風景州董子祠云匹馬西  
風過廣川江都祠宇暮雲邊六經而後無文字兩漢之間見大  
賢首對天人真健者恥談功利已超然春秋繁露名山業我愧  
園林負少年丈人云

限門字

尋常蕭艾滿衡門略有人形氣便

尊不礙出山稱小草可眞竟體襲芳蓀升堂許結芝蘭契在野

曾沾雨露恩一樣青衫艾衫好顏色薰猶臭味不堪論鋤艾傷

蘭且漫論香山詩鋤艾恐傷蘭深山一出便朱門人雖玩世常青眼草可

通靈有慧根儘許俾耆稱壽考不煩慕少費溫存孤芳賞處誰

憐爾且泛菖蒲醉一樽草草隨緣跡偶存栽培深處總天恩山

林久住無妨老殿陞能容也自尊擁綬艾綬定依千佛座題糕

艾糕會上九天門良時令節長如舊看取清芬到子孫新秋書

感云晚景催人歲易周占星又看火西流少時曾射將軍虎老

去翻爲孺子牛覓句羞逢大京兆擁書權抵小諸侯人間萬變

無窮事只合掀髯一笑休早愧疏慵百不能那堪顧影見鬢髩

光陰漸逼投林鳥意氣渾如退院僧世事難看惟白眼此生不  
負是青燈回頭漫說抽身早已落人間第二乘高郵露筋祠云  
十里白蓮風露香扁舟小憩弔貞孀高郵城外蚊如市愁過新  
秋一夜長村景云池內慈菇新長芽鰲頭扁豆亂開花蹇驢側  
挂溪橋酒一路蟬聲送到家莫愁湖云莫愁湖上雨蕭蕭莫愁  
湖下盪輕橈愁人莫向湖邊過不見莫愁愁不消花船竹枝云  
雲水何心恨路長阿儂生小住江鄉等閒不怕風波險爲要風  
波畱住郎珠江竹枝云珠江江上總宜樓多少名姝住上頭信  
是人間花世界祇生歡喜不生愁言語侏僂聽不眞開闢花鳥  
自鳴春就中鸚鵡舌偏巧也學人言解罵人三春云三春屈指

殘三日五十平頭又五年歲月易銷春易盡夜深惆悵海棠前  
拳石山房云一拳怪石聳杈枒細草蒙茸路漸遮燕子不來春  
又暮等閒開過碧桃花不倒翁云俯仰隨緣不自由人言此老  
太沈浮祇因方寸泥團重故向人前亂點頭翁仲云頑石硜硜  
竅不通居然屹立自豪雄世人慣仰崇高勢無怪爭呼作仲翁  
門神云一紙功名那當真傍他門戶總勞神翟公貴賤尋常事  
看盡炎涼世上人鐙蛾云赴熱逼真熱未曾飛蛾到死尙膏騰  
可憐蟲是人間滿惜少一張暗室鐙流鶯云曾入簫韶雜鳳笙  
上林高處最關情自從驚落黃金彈未肯人前得意鳴感懷云  
英雄老去每飯禪世事無心漸自然只到於今方醒悟饑來吃



飯困來眠歸鳥云杈枒老樹碧雲巔眾鳥翩翩意自閒不解當時彭澤令如何飛倦始知還蟹云世人莫漫笑雌黃此老無腸勝有腸甲冑渾身全不用橫行一世是文章

史仲先

字卧雲

家兄卧雲少時與余共習舉子業甲申奉諱遂絕意進取屏棄帖括惟以咏詠自娛有吟香堂詩四卷在常山署中勸余刻寄雲館詩集並題二律於卷後云廿載辛勤作宦遊閒將筆墨寫清愁長歌每當窮途哭愛國難舒杜老憂卷裏離騷千古恨眼前風月一囊秋使君莫笑清如水百寶新裝五鳳樓池塘春夢草如煙似弩光陰太可憐老我吟懷頭欲雪驚人豪氣骨成

仙青燈有味趨庭日白首相隨共被年檢點一編偕隱處 聖

朝原許賦歸田 夢餘偶鈔

黃鶴樓云高高亭子暮雲邊故國煙波在眼前檻外江城收畫  
稿座中風月結詩緣吹殘今古一枝笛撐起東南半壁天到此  
欲詢滄海事鶴仙飛去已千年

穀城

宋王之望 字瞻叔紹興進士官侍郎有漢濱集 孫學可

之望父綱字振冲元符進士金立張邦昌綱不書名亦錚錚之  
士也官徽州通判贈少保王十朋爲誌其墓

之望登紹興八年進士第累遷太府少卿孝宗卽位除戶部侍

郎充川陝宣諭使游樞至參知政事勞師江淮爲言者論罷乾  
道元年起爲福建安撫使加資政殿大學士移知溫州卒事蹟  
具宋史本傳錢溥祕閣書目載有之望漢濱集而佚其冊數焦  
竑經籍志作六十卷然趙希弁陳振孫兩家俱未著錄則宋代  
已罕傳本後遂散佚不存今從永樂大典中採撮裒綴所存什  
之三四而已之望當秦檜柄國時落落不合咸稱其有守其愿  
官亦頗著政績惟在隆興時力主和議與湯思退相表裏而極  
沮張浚恢復之謀考宋南渡之初自當以北取中原爲務然惟  
岳韓諸將可冀圖功張浚很愎迂疏急於立功以固位實非可  
倚以恢復之人一敗於富平再蹙於淮西三挫於符離前後喪

師至五十萬之多偵轍誤國其驗昭然講學家以張栻之故回  
護其父殊未免顛倒是非之望之沮浚不可不謂之知人至其  
詩文則皆疏暢明達猶有北宋遺矩諸劄子亦多足以考見時  
事與正史相參

四庫全書提要

涪溪中興頌碑云蜀日既衰洛日亡前星靈武騰光芒元功百  
戰兩京復萬里阿瞞歸故鄉干戈紛紛徧四海涪碑已立湘江  
旁太師艱難喜初定作此大字龍鸞翔紙摹縑揭四百載家家  
傳寶踰琳琅唐文中世未變古燕許偶儷爲班揚次山之文可  
也簡此頌未追周魯商祿山滔天等窮澆春秋之法誅無將騁  
兵二字斥邊將此語豈足懲姦強末篇三章頗辭費筆力不復

能鏗鏘磨崖勒銘亦何有反復自贊乃爾詳向來名人過許與  
舉世附和無雌黃淮西仆碑無墨客惜哉不得逢鍾王房公湖  
云金雁橋南二頃湖房公遺墨未湮蕪人遊杜牧晚晴賦境對  
王維別墅圖經始園林心自巧折衝廊廟術何迂常時只作幽  
人計畱得陳濤四萬夫過石城云滄浪渡口莫愁鄉萬頃寒煙  
水落霜珍重使君畱客意一樽芳酒醉斜陽江上危亭思黯然  
追歡陳迹欲經年別來西望應相憶郢樹荆門共一川

宋詩  
紀事

學可字亞夫淳祐間爲臨安府倅有詩名洞霄宮云天柱峯高  
萬壑分故畱九鎖限塵氛泉飛窓牖長爲雨日上岡巒半是雲  
洞擘陰崖通遠岫石生暗暈作奇紋聖朝每爲民祈福絕筭求

仙漢代君石橋云天巧何年路干峯亂入雲瀑飛雙澗合崖斷  
一橋分樹色春猶凍猿聲夜或聞靈蹤如可見煮茗共爐熏題  
蘇端明書乳泉賦後云蘇公早聞道文章乃其戲乳泉出重海  
作賦聊記異玉池嚙中夜挈瓶非小智氣者水之生此語可深

味

宋詩  
紀事

明

楊

舟

永樂  
舉人

舟再上公車不第卽隱居高頭堡以漁爲樂人因呼之爲高頭  
漁隱釣臺歌云青山兮悠悠河水兮去不休松枯兮石爛上玉  
京分駕海舟

方岳貢

字四長號禹脩萬厯進士官文淵閣大學士諡忠介有古文國璋經世文編是政編詩古文集

岳貢先世爲浙金華人七世祖文俊洪武間宰穀城與正學先生爲族昆季正學族誅文俊坐死旋得減戍五開衛卒葬穀城子孫家焉神宗赦靖難謫戍開禁錮岳貢父顯達始爲邑諸生岳貢幼聰穎丰神閑雅稠儻有大志鄉舉出江西繆西溪之門一見日爲國器官戶部時值魏璫擅權西溪與楊左諸公同被慘禍門人故舊莫敢往視公爲之殯殮如禮出守松江多善政喜擗拔寒畯護持善類暇與諸生講學于聖賢經義多所發明學者稱爲襄西先生行取召對稱旨三遷入內閣叅贊機務時天下已不可爲甲申之變自縊不卽死賊多方逼降不從逾月聞皇太子遇難乃扼吭以卒浙商李廷獻倡義始克成殯先是

張獻忠陷城踞岳貢第搜括惟圖書數十楨嘆曰使天下官盡如公清吾輩何苦作賊耶

本傳

格壘云何處高堅可駐師筑陽格壘至今奇李家僕戶劉家將不屑人呼作健兒

劉夢桂

字九晚號雲嶺崇禎進士官大同巡撫

登華山云不料置身萬仞峯凌空緩步任從容回頭不見初登路知在白雲第幾重軍中口占云白馬坡前百萬兵紅羅帳內一書生而今方識文章貴卧聽元戎報五更

閻秀

劉氏

同知于玘配文定公慎行母也封太夫人博通載籍工吟詠



故城云暮雲深瑱故城春綠樹蒼煙舊白蘋昔日高樓雙燕子  
定巢無處往來頻

明詩綜

國朝

李

洵 諸生

洵天姿敏異諸子百家一覽輒能成誦下筆千言目無餘子人  
因以顛呼之

題陽谷軒云筑山山翠接簷簷脩竹凌霄隱鳳皇千尺碑傳羊  
叔子一船書載米襄陽鹿門有客踏明月驢背何人吊夕陽脩  
得渭川作湯沐樵青台賜理茶鐺

陳

浩

貢生

仙人渡七律格高調響卓然大家惜他作不多見云才子好奇

不憚險仙人渡口高吟時奔流觸石浪花急逆水轉灘帆影遲  
雲起峯頭忽黯黯雨來窓外紛絲絲停舟且爲買村酒君與仙  
人同飲斯

榕村詩話

方曰璫

南川夢中得句云廿載行蹤等觸羊學書學劍兩茫茫狂奴故  
態今猶在國士酬恩志未忘常笑送人頻作郡不聞捧檄快登  
堂肉生髀裏因循老傀儡何堪更入場

方其敬

貢生

筑陽懷古云事關桑梓誼難忘文獻無徵劇可傷江漢之間分  
土地洪荒以後幾滄桑周分爵伯穀山下

春秋穀伯  
歲緩來朝  
漢建侯封

筑水旁

蕭何少子延封筑陽侯

欲問故城何處是夕陽煙樹兩蒼茫此地

從來用武鄉延岑亂後故城荒

縣西有延岑城

田端聚眾終鳥合帖木

行軍建鳥章

田端反帖木耳討之

漢水橋成知趙敗赤山戰勝卜元昌山

川如故朝廷改憑吊心傷古戰場劉石么麼肆橫行西山屯據

實堪驚溝名天子當年蹟地號將軍舊日坪

劉千斤石和尚叛有天子溝將軍坪

諸遺迹

穴蟻居然能抗命井蛙安敢遽稱兵至今大小旗山外依

舊春深綠野耕斗粟纔過竭塊來張羅李惠禍重胎

張獻忠羅汝才李自

成惠登相先後距穀

孤城將寡同摧朽古塞風高作劫灰鬼域蒼皇原靡

定妖氛飄瞥渾難猜萬家碧血餘腥在時有青燐照綠苔議撫

招降計未工

楊嗣昌熊文燦皆主撫獻忠者

楊熊瑣瑣作元戎

獻忠偽降開年復叛知縣阮公

死誰教引虎來門內何異驅羊人口中得市凶橫防已晚圍城

焚掠室皆空可憐一死全忠烈畱得荒祠祀阮公大定非同逐

鹿秋元戎何事起戈矛

總兵楊來嘉  
叛據縣城

賊心未變還成賊

來嘉係  
海寇餘

謀事不臧豈善謀荼毒軍民皆赤子弁髦君父作仇讎卒令

敗死西川地奏凱人提血髑髏妖氛消滅已多年故老猶能說

白蓮市虎生疑無淨土磨驢相望盡烽煙漂流幾處悲鴻雁屠

戮連村泣杜鵑猶幸未搖根本地滿城燈火徹宵然過穀伯廟

有感云廟貌於今尙儼然荒涼萬古漢江邊顙垣浙浙含疏雨

老樹蕭蕭帶晚煙屏國也分周室瑞遺民猶種墓前田一杯寒

食誰澆飯夜夜空山泣杜鵑水南荒寨云數萬貔貅入益州蛇

矛誰敵漢桓侯三分割掾消沉盡舊壘荒涼日暮秋

光化

宋石澤

澤光化人博通古今詩淡泊時出偉麗有滄浪集官朝散郎

續文

獻通考

張士遜

字順之淳化進士官同平章事太傅鄧國公諡文懿

士遜知襄陽財洪等縣有善政累官至中書門下平章事性寬和爲政持大體以救曹利用出守江寧復入相言禁兵久戍邊應恤其家在京師者帝出內藏十萬緡賜之又請遣使安撫陝西帝命韓琦以行詔樞密院行還專與遜參議尋乞病歸就晉

太傅帝飛白書千歲字賜之因建千歲堂自號退傅值范仲淹  
出守鄧州過里門置酒高會時人榮之子友正以書名神宗許  
其草書爲當時第一

公生百日始能啼襁褓失恃怙少孤貧讀書武當山有道士語  
之曰子有道氣可從我學仙公不欲道士曰不仙亦當位極人  
臣及登第久困選調年五十始知邵武還朝以文贊楊公大年  
三日不得見值大年于窓隙中目之知非常人延入款語觀所  
爲文許爲大器薦御史遂躋臺輔游武當時借宿村舍主人將  
殺以祀鬼安臥室中誦六天北地咒巫者見星宿覆其上怖而

卻走公孫瓘召誨言

青箱雜記  
江鄰幾雜志

公性喜山水宰邵武時多遊僧舍至則吟哦忘歸嘗至西庵寺  
題詩有密密石叢盤小徑涓涓雲竇瀉寒流松皆有節誰青蓋  
僧盡無心也白頭句又公嘗至寶巖寺亦畱題曰身爲冠冕畱  
心是雲泉客每到雲泉中便擬忘歸跡况茲寶蓋巖天造清涼  
宅稅車官道邊誰知願言適又公嘗奉公牒至建甯縣道洛陽  
村而山路險峭穹絕不可名狀亦題二韻於村寺曰金谷花時  
醉幾場舊游無日不思量誰知萬水千山裏枉被人言過洛陽  
仁宗篤師傅恩遇公特厚致政後每大朝會常令綴兩府班公  
時已八十餘而拜跪尙輕利仁宗悅乃飛白千歲二字賜之公  
遽進歌以謝優詔答之雖漢顯宗之遇桓榮不是過也

青箱雜記

公年屆七十八有詩云八十光陰有二年煙蘿門戶喜開關近  
來無奈山中相頻寄書來許綴班後四年而卒乃八十二歲之  
讖此詩史所載也而避暑錄話乃云士遜致仕年八十六恐誤  
幾牖閒評

文懿旣致政而安健如少年一日西京看花回道帽道服乘馬  
張蓋以女樂從入鄭門監門官不之識者且禁其張蓋以門籍  
請書其職位文懿以小詩大書其紙末云閑游靈沼送春回關  
吏何須苦見猜八十衰翁無品秩昔曾三到鳳池來監門卽以  
詩進仁宗遣中使錫以酒餽問勞

題寶巖禪師丈室云泉邊開丈室巖下誦金經舉目閒雲冷拂



猶眾嶠青百途皆有礙一戶獨無局誰學嵩林者齊腰雪滿庭

卓錫泉

在大庾嶺

云靈縱遺幾載卓錫在高岑妙法歸何地清泉流

至今苔花生細細靈蹤映沈沈桂魄照清夜分明六祖心致政

後寄文惠公云猶案當年並命時蒹葭衰颯倚瓊枝皇恩乞與

桑榆老鴻入高冥鳳在池經乾興寺云桐枝手植老精神二紀

重來愧此身三代衣冠聯貴士十州軒冕接清塵桑麻墾處多

新隴耆舊逢時少故人蕭寺門前題粉壁又書丁巳劉壬辰

國朝

盧正德

字香山道  
光拔貢

贈牧雲山人云我性愛山水曾無山水緣靜境時一遇往往成

留連游賞苦不足過時心拳拳常擬煙雲窟茅屋撐數椽饑飮

山中粟渴飲山下泉  
春山迎我笑秋山  
向我妍山鑪楮火  
山窗薜蘿牽展著  
山雨滑笠戴山月  
圓山翠襲衣袖山  
風拂几筵有時山  
客至古意忘周旋  
俗塵飛不到何自  
驚烽煙結想入夢  
轂誰借買山錢惟  
羨牧雲子與我殊  
凡仙巖阿豈初志  
頗聞燭幾先非乏  
藏春塢毅然肯棄  
捐竟挈旌陽宅鷄  
犬升雲巔我願所  
未遂先生能獨專  
我心所抱恨先生  
得天偏溪毛與山  
藪色養怡華顛吟  
嘯愜登陟軾轍欣  
聯肩佳兒早秀拔  
在泮調琴絃爲述  
山居樂臨穎亦垂  
涎何當躡芒屨繪  
圖入輞川

均州

明  
鍾岳靈

萬歷貢生

登憑虛亭云高處復登高軒判若羽毛乾坤無四壁霄漢有層

阜長發蘇門嘯狂歌楚客緊一朝風景別清興屬誰曹楚風補

國朝王重彥順治貢生

天柱峯看雲云縷縷山雲起須臾萬壑平天難窮混沌地不辨

陰晴白抱峯生浪青浮樹點莽恍居塵世外鐘磬但分明

朱琪康熙貢生

雨宿太子坡云雲密山谷歛香消夜漏殘猿啼悲暮雨鶴唳激

空湍絕巘驚秋早飛泉入夢寒何由尋帝子閒苑共驂鸞

郭嘉屏字嶠山有嗣斯集

嘉屏明季爲諸生才華贍富噪聲士林詩以性靈勝淺而真清

而不里一洗穢靡呌囂之習獨立不倚信爲一世豪傑惜產于  
偏陬又生常末造無賢士大夫表而出之遂久而姓名不彰味  
其詩意當國朝龍興之會猶能守夷齊齊之節養晦居貞洵  
有明逸民之最

元旦云宇內遵皇紀啣杯感盛時山川無瘴癘吾道有鬚眉筆  
苑花應放墨莊賦較遲又看節序改消息幾人知和張郡伯春  
登太岳山云誰帝推賢牧明禋重北天春高千樹綠山煖百花  
然雨露隨車潤災祲計日遷聖朝隆岳祀紀勝白雲邊秋夜浪  
河舟中云忽有臨流興添衣上小船涼風吹白月野水泛青天  
樹裡星辰度巖邊鷗鷺飛乾坤同一靜幽潛幾茫然夜度老營

庄云野路無更鼓風敲落葉頻村煙迷曉樹山火照行人短夢  
荒橋斷歸鞭故里親松杉冬不管霜下自爲春元旦朝陽洞黔  
史云攜得春光試紫毫登臺一笑古今勞陶唐無德及巢許湯  
武有功愧節旄海水何如杯酒濶泰山不怪野雲高良辰幾度  
新皆舊嬾看穰穰醉濁醪仲春山中阻泥云積雪憐春化去忙  
小橋流水帶煙光十旬作客山爲侶百里離家酒是鄉細綠平  
分原上色新紅亂點樹頭香農家晝日渾無事爐火頻燒話短  
長哭姊云婆娑白首猶相慰寒雁中宵愴竟分垂老同胞兄是  
姊半生幽德布爲裙泉臺有路爭先後世味無心似水雲烏柏  
村邊人跡少秋風誰吊女嬃墳

湖北詩徵傳略卷三十八目錄

東湖

北魏

裴無名氏

南北朝

裴無享

唐

參

夷陵女子

明

陳禹謨

子正育

劉一儒

子戮之

劉昇

子廷信

王維章

陳嵩極

雷思霈

郭維藩

子鍊

文安之

李雲

王永祺

王席民

楊絃

龍為紀

國朝

羅宏備

子應箕

陳士望

羅宏鎔

毛一驄

何毓秀

戈保泰

馬一德

郭相業

覃宏澤

郭江

顧綸炳

望世高

劉祖敬

閻大鏞

楊可大

湖北詩徵傳略卷三十八

東湖

孝感丁宿章星海輯 子璠校字

北魏

夷陵無名氏

三峽謠云朝見黃牛暮見黃牛三朝三暮黃牛如故

南北朝

雍陵無名子

女兒子歌云巴東三峽猿鳴悲夜鳴三聲淚沾衣又云我欲上

蜀蜀水難踟躕珂頭腰環環

古樂府錄

流頭灘歌云灘頭白勃堅相持倏忽淪歿別無期

水經注

唐何參

參博學孝義隱居當陽稱處士



通士人篇云龍宮旣入道鳳闕且辭榮禪龕八想淨義窟四塵  
輕香盡法雲起花燈慧火明自然忘有著非止悟無生別才法  
師於湘還郢北云乘杯事將遠捧袂忽無聊南楚長沙狹西浮  
郢路遙離庭花已散別戍馬新驕明日分千里相思非一條春  
日從將軍遊山寺云蘭庭厭俗賞茶苑矚年華始入香山路仍  
逢火宅車慈門數片葉道樹一林花雖悟危藤鼠終悲在篋蛇

### 葬陵女子

文明中竟陵掾劉諷夜投夷陵空館月下忽來四女郎彈琴擊  
筑更唱迭和諷舉聲連咳庭中無復一物明旦拾得翠釵數隻  
因記其歌云明月清風良宵會同星河易翻歡娛不終綠樽翠

杓爲君斟酌今夕不飲何時歡樂又云楊柳楊柳裊裊隨風急  
西樓美人春夢中翠簾斜捲千條入

明

陳禹謨

字嘉猷號九山隆慶舉人官知州

子正言

禹謨事繼母至孝兄弟無間言行誼素著復以經學顯厯知鄭  
忠涿三州治河賑荒屢著循績晚歸詩酒自娛有陶謝風

西陵峽云我登最高處四顧接雲煙荆門排十二江水瀉三千  
鬱鬱隴頭樹濛濛峽裏天勝槩雄今古蒼茫不可攀東山寺云  
嘯侶遊東山登眺日初起且歌且啣杯探奇恣所履極目心俱  
遠四面皆紅藥人言春日佳素秋亦可喜謝安來往間王維圖  
畫裏赤溪云迢迢望赤溪溪水逝悠悠宇宙何寥廓我舟任遨

遊獨坐整釣竿釣彼魴與鰕翹首望嚴陵願言邇長流高風如  
可親於焉相夷猶黃牛峽聽棹歌聲云舟人歌欸乃江空天籟  
鳴一歌江水綠再歌江水清巍巍神禹績伊伊舟子聲厥聲何  
慘慄翻令客心驚順下荆門去懔懔有餘情

正言字鹿野官川東副使里居好義鄉里式之劇賊過其門相  
戒勿犯年七十卒遠近會葬者千餘人官蜀多善政至今尸祝  
之

執笏山云山下看秋光秋光在山頂山上看秋光秋光歸一迴  
今古此浩然曠觀入平等萬籟發其中星河動炯炯靜測所由  
然於茲得清醒

劉一儒

字孟眞嘉靖進士官尚書諡莊介有瑞芝堂集

子戡之

一儒初任戶曹爲太宰楊洪所知屢官刑部侍郎張居正當國嘗貽書規之居正沒親黨皆坐斥一儒獨以高潔名拜南司空半歲移疾歸初居正女歸一儒子戡之珠琲紈綺盈箱篋一儒扁之別室及居正資入官乃發向所緘物還之身歷華腆家若寒素天下仰之御史李一陽請還一儒于朝以勵恬退帝可其奏一儒以疾辭

石首王尙書之誥字告若嘉靖進士與文忠亦有嫻嫻當文忠兼用隆赫時嘗正言規切及以父奪情杖言者闕下歸葬還闕之誥仍以召還直臣收人心爲勸其不避嫌怨斯異于瑣瑣應

仕矣孟貞視新婦奩具如免已屬鋪一室以待封還若預知張氏之必敗者其識不尤卓然哉

楚寶

秋日尋三遊洞云羣峰斜枕郡城樓石洞高懸最上頭秀削芙蓉天外出青連雲樹鏡中浮濤聲東注翻巫峽雨色西行暗楚垓鵲鳥狎人閒自舞亦知吾意已虛舟

數之字元定號石華以蔭官知州少敏達刻意制舉業以張居正壻引嫌不與試蔭授郎中奉使秦中脩華山志出知德州建游龍館以課士一時名流皆赴之既謝歸與海內名士相酬唱袁宏道爲序其詩以傳子昇有父風

元定體中有四反家世楚人而有江左風格靈粉敗墨殘溝古

瓦皆有精賞一反也楚人面稜稜令人不欲近元定溫克見者  
惟恐其去二反也生長朱門而具叩墜勝情三反也楚人有飲  
量而無飲才有飲才而無飲韻元定卓然有之四反也諸名士  
之目元定如此余笑謂元定詩亦爾楚聲多怨而元定之詩和  
雅楚人長才盛氣而元定之詩多逸趣爲曲澗幽嶼毋爲汨莽  
爲輕陰淡月毋爲雷霆風雨是又一反也世人之詩自與人二  
而元定非也元定之詩其人之注脚也布置鬚眉形影皆好是  
謂詩具明窻靜吟花開獨飲是謂詩料寤寐山水流連煙月是  
謂詩骨余何以序元定哉不知元定者觀其詩不知元定之詩  
者觀其人而已矣

節袁宏道  
撰詩序

和陸放翁題峽州甘泉寺云勒石存遺孝江山壯此州泉當幽  
澗落路入古城遊寺靜全宜暑楓多最艷秋范家湖面澗十里  
可行舟春杪與葛更生過三遊洞步白太傅云作計畱春春欲  
去山行歷盡復臨川欲乘幽興尋幽地共御冷然適灑然靈杖  
曳隨居士屬錦帆高揭孝廉船嵐紛浪渾遊魚呷沙暖蛙恬浴  
鷺眠今日朋儕偕二五他時禮樂奏三千世珍杞梓巴人國圖  
索騏驎冀塞邊椽筆動搖干氣象荷衣獨釣老林泉清光滿眼  
分臺上紫氣衝星挂斗前怪爾逍遙工指點漫從浩汗譚聯篇  
磨崖頻掃仍窮底絕壁危登直透顛覆磴乍迴雙洞屬奇聲忽  
報萬峰連酣歌綠玉葡萄酒重席青氍毹苜蓿筵日昃空蒙涵  
記

記江深遠近流浹浹石黏繡草稱爲虎谿冷蠻花號似鵲宿峽  
陰雲翻驟雨沒竿新水漲冥天縱歸鵲首千家火擁樹荆門一  
派煙儘許游情通晝夜可無片語寄當年

劉昇

字彥升號嬾雲  
選貢官通判

子廷儔

絲網浮鱖有引樊陵正月江中小魚乘雨而出圓身細鱗長可五  
六寸用絲網取之過此育子則瘦削不堪食矣卽詩經謂鱖鱖  
也云風雨暗煙汀漁歌答杳冥鱗飛千片雪網亂一江星白小  
供厨積紅肥滿市腥烹鮮詣食譜不數五侯鯖

廷儔字自怡貢生官訓導有秋草天放堂詩集少隨官吳門與  
丁彭高世泰游詩名滿吳越家世華廬淡泊自甘徇篤行好學



之佳公子也

東山謁先莊介公祠云萬峰迴合處峽水自西行  
歷歷湖光遠  
蕭蕭樹影橫雲開孤寺出日落半山明煙火秋城裏無端百感  
生孤性與雲同山山迷望中綠蘿緣石磴白日畏秋風遺世停  
閑鶴恩榮想舊松攜壺自斟酌一指大江東古佛菴云秋空涉  
水履高岑澹煙漠漠秋水深飛鳥翦波投遠林櫓聲淒切江之  
陰人澹柴門修竹裏歸鴻目送欄干倚沙渚蕭疏篆竒文楓落  
寒江煙瀾瀾松鳴斜日隱山巔山巔石穴白雲穿晚來醉把黃  
花後踏破蒼苔上小船

王維章

字子天萬曆  
進士官巡撫

維章仁厚清廉所在詠思之川東不守卒于獄天下冤之

遊墨池飲陳公調聚星閣云迎人爽氣照深杯徙倚慚無作賦才  
榻上遺書充棟起堦前叢桂倚雲栽仙池滌墨痕如篆古鼎  
沈煙碧似苔百尺樓高無限好東山圖畫爲君開

陳嵩極

字芥舟貢生  
有栗園閑草

嵩極正言季子少英敏卓犖不羣能紹家學世居深山擅林壑  
之勝日以圖史自娛名流過訪樂與訂僑札之交

宿黃陵廟云黃陵夜色昏剝啄呼僧起片帆破浪來驚魂若干  
里寒雨溼征衣疏鐘搖定水亂石塞江頭何處采蘋芷陸司馬  
重新甘泉祠招飲觀躍鯉云廟貌已殊昔寒泉尙冽然衣冠畱

古制城郭帶秦煙幾度梨園曲尋常兒女傳使君新往蹟簷雀  
亦踴躍登東山云薄暮踏寒雨攀躋到上方迷離江郭白慘淡  
野雲黃擐甲開邊壘與尸載國殤廿年安戶牖陰雨莫相忘雨  
宿山寺云遠村不覓酒岑寂焉能勝風雨無聊夜醉醒幸共清  
鐘殘依客枕林缺透漁鐙信宿翻難別喜無俗可憎白馬廟云  
古廟斜陽入輕煙散晚汀寒江一派白老樹半邊春地僻僧常  
嬾時澆鬼易靈諸峯飄渺立隔岸影亭亭

雷思霈

字何里萬歷進士官翰林  
有百和閣歲星堂等集

思霈博極羣書爲文不涉草穢纒數千言操觚立就行草書入  
神品城東隅閭其著書處也時嘯詠其中與公安三袁以詩

歌相往還著述甚富鍾惺鄒之麟皆出其門

先生嘗自云性不泥古學不蹈前順自然之性一在奔詣其識  
力卓而突能超世其才力大而沈鷲能維世其膽力堅忍而神  
能持世其骨力重而不歎媚能振世其氣宇間而其肝腸熱其  
心在睂睫而其舌在肺腑居然有一聖賢豪傑之神悠悠忽忽  
疏疏落落然流于詩文者

節鍾惺撰  
詩文序

莫春郊游云惟莫之春百卉如綺平楚蒼然山嵐四起羽尾紫  
迴嘉樹徙倚我思古人在彼沂水滴水巖同公孝伯舉云絕巘  
危巖客到稀狐蹤虎跡萬山圍陰風吹壑雲朝度白月橫谿僧  
夜歸癖性自來耽勝地嬾心端合返初衣家園亦在荆門裡石

洞淙淙瀑布飛

湖北詩錄

登玉泉來青閣云石磴幾千級滂勃夾長柏奔流冷出骨卧聽  
知水脉夕陽空翠生滿身衣變色倏鼓豐隆怒四顧積雲黑驚  
起老蛟精倒捲銀河瀉素朝天門霽亭檻俯石壁乍聞深澗瀉  
吼山山欲劈峯饒林木青溪借沙路白我家萬山中終日對山  
碧別來已四載見此欣有得塵土污緇衣城中車馬客黃牛山  
圖歌云予登黃牛之山兮重嵐疊霧鬱鬱勃勃髣髴乎舟師之  
指但見巴江自天而來雷奔電曳盪巖觸石環流轟怒而不可  
以已遠眺兮千峯蔽日萬巖黏空若繆篆狂草淋漓滿紙又若  
絳虬之升輕霄與靈氣相襍伏僑雄傑非鬻朝停午而莫辨首

尾巖腰壑腹常有光怪兮疑僊靈之往來神鬼之出入颯然而  
風雨三聲之猿連臂而學掛九頭之鵠眾竅而欲語鹿張其角  
馬缺其耳虎化道人魚爲婦子石破而赤鱗飛檻呼而元龜起  
紫芝丹草言刈其薪而往往爲幽棲者之所深取廟貌煌煌在  
山之趾賈兒遊子割羊灑酒考鐘鼓視舟航墨客騷人觸目娛  
心與山川而鬪奇詭爰有天葩名曰金蓮葉羌芭蕉而肥華倍  
芙蓉而綺蕤扶蘇士乃中嶠其事甚誕其言成理蓋已數百  
年兮而不知植於何紀旁建梵宮湫隘而不可居兮予歎愛其  
流泉淙淙乎竹裏有一上人字悟空者邀我以楸局飲我以薊  
醕贈我以玲瓏啗我以石髓予之爲茲遊兮聞江聲而畫沙磧

始類顏平原之遇懷公而得筆法於張長史今訪我於醉石之  
齋兮我乃題牛山之圖以送之恨不及買扁舟而蠟屐齒偶題  
贈當陽次飛李子云泉如玉溪如玉山如玉人如玉泉如玉網  
葉流膏醺醺醪溪如玉盤虹馮月練光燭山如玉積翠堆藍侵  
沈綠人如玉冰膚綽約瑤池浴學書君家李北海學詩君家李  
羣玉但取神來與情生不藉皮毛驚世俗直當置爾於五城十  
二樓之間佐爾以瓊飛假爾以玉局有人問爾何如人予對曰  
是能爲豐年玉而不必爲荒年穀竹牕吟興卷云瀟瀟淡淡數  
竿竹高高下下幾茅屋主人有時發高吟浮入酒杯相對淅雨  
葉風稍寸寸秋霜清雪艷叢叢玉此卷攜來西峽中行盡三湘

洞庭曲九日宿東山寺云九日東山寺無花卻有歌峰巒朝雨  
後鈴鐸晚風多峽日生秋水湖心老艾荷舊時遊息地竹素已  
婆娑木葉未全脫水流故自閒纔登高閣望便覺大江環風細  
如聞梵雲垂莫辨山晚來松徑裏隱隱一僧還觀土城寺云登  
樓間到寺分嶺勢如城幽石生雲細寒溪瀉月清黃花含雨色  
紅樹亂秋聲地主偏留客相攜信宿情南津關用子美韻云夜  
宿下牢岸春遊下瀨船一江爭劃石萬里忽開天有客尋谿洞  
何人共几筵遙看明月峽知在白雲邊黃牛山云牛星不合開  
生面龍漢何年有畫師攘袂督郵分界後懸巖爐竈繫舟時一  
江萬里獨當險三峽千峰無此奇青點石泉甘且冽山經水志



未曾知東郊飲陳悅甫和陶孝若羅服卿韻云南郊東嶺地偏  
奇水閣茅堂醉更宜野菜當茶親煮鼎村醪如乳遞傳庖雪殘  
竹葉迴松葉春送梅枝到柳枝我欲荷簑兼帶笠莫教樵子牧  
人疑讀荆軻傳云片言心許報燕丹酒侶歌徒壯士冠客子不  
來誰可待先生已死我何難虹霓未白衣先白賓從皆寒水不  
寒卻笑始皇天亦惜副車銅柱有遮闌荆門山云荆門十二古  
江關上合下開如一山不似巫山作雲雨石橋仙洞野花閒蝦  
蟆培云袁崧怪石驚三峽陸羽茶經品四泉如此山川須領略  
及秋吾欲賦歸田題盡云雨打茅齊葉亂飛黛山煙樹是還非  
村中盡日無人到橋畔斜看一笠歸

郭維藩

字价卿號寓庵萬  
歷舉人官監司

子鍵

維藩修內行篤宗誼初宰古田有能聲入主戶曹司農倪元璐  
奇其才薦司九江樞務時寇氛充斥維藩極意招徠及國變制  
府袁繼咸檄署兵備道命甫下左良玉兵變乃退居廬山 國  
朝屢辟不起

秋日登葛道山云石削芙蓉倚碧空空林黃葉落重重欲尋勾  
漏還丹處兩屐秋雲一短筇

鍵字孟開有儲字堂詩文集高才博學爲士大夫所敬禮王詩  
陳士望爲集序稱其骨秀神蒼湘回岳立

賊退還河西舊莊作云連年衝短屐又向故園行世亂無花草

山深有舊盟，留春遲閉戶。帶月晚催耕，十畝叢篁碧。齊窻間鳥鳴，虎牙懷古云。漢將功難繼，秦人逝不回。潺湲依古戍，則劣俯層垓。水漫荆門出，山崇峽路開。樓船追往日，保障借新才。曠野猿啼滿，寒鐙月影來。當時征戰地，一嘯萬峰哀。

文安之

字汝止，號鐵庵。天啟進士，永明官大學士。

安之器質宏遠，同時皆以公輔期之。崇禎末，進南大司成，爲薛國觀所構，罷歸。宏光立，詔拜詹事。唐王授尙書，皆不赴。永明王以瞿式耜薦虛相位，以待安之。強起，日以忠義激勵諸鎮，銳意興復。間閱戎馬，不失臣節。卽及譚宏降于我朝，王遁入緬，遂賁志以卒。

九日平江閣讌集得娶字云涼秋曉露滋傑閣諸天迥寒林初  
魄澄高霞散溟滓尋菊經茶寮寒香雜烹茗偶聞松風生飛濤  
驚絕頂明燭戰楸枰觴行恣酩酊繁吹凌山椒垂漢景逾炯有  
客矜逃禪深語戒獨醒起視苕藻光人與竹月並婪飲湛餘漚  
坐愛白衣裝欲補龍山亡予其愧匡鼎姜詩溪別業云汲取甘  
泉浣鬢絲北窓桐院夜涼時夕陽江閣山中帝明月深溪孝子  
祠百折孤峰輕竹杖數家煙火隔疏籬莫言日暮非長馭春盡  
看山正未遲山居漫興云每愛行雲冒釋冠不將歲月擲槐安  
畏人自解慚雞肋學道何妨試馬肝卻厭鶯簧多嫵媚翻愁鶴  
背太高寒長安牀笏如麻竹撒手何人問釣竿斜陽倒影上莓

苔烏鳥相呼客未來怪石但逢閒處有好花剛揀勝時開關山  
曉角猶悲壯輦洛名城半草萊欲寄牢騷愁鹵莽暗中槌鼓作  
輕雷將歸先寄同社云綠樹青溪舊隱居十年兩趁石城魚偶  
尋奇勝依華渚久向交遊缺素書著似東方客難後賦慚楊子  
逐貧餘鱗鱗新水還家近芰製香迎夏簟初沙邊繫舸計新晴  
半壓圖書舉棹輕署冷不妨歌鳳出江寬堪與狎鷗行帆臨青  
草霏煙渡家在黃梅細雨程搔首天南望天北近綠飛雨益心  
驚花濺紅泥樂事違青鞋怯溼晝忘歸攜家無地難兼隱有淚  
憂時敢盡揮流瀨挾雲寒作勢野田將石亂成圍徘徊欲問蘼  
蕪道江路空濛隔翠微卓刀泉云磧火連天夜夜紅斷碑猶泣

舊英雄可憐平楚荒荒月那有寒砧度晚風又句如泥醉厭聞  
河朔飲劫灰愁望洛陽煙自惜清時依釣艇豈因薄宦老漁蓑  
皆可誦

李雲

字衡岳萬  
應舉人

雲以武功擢潁州牧旣去廟祀之居恒秉禮自持言笑不苟晚  
知明祚將終大書名義至重鬼神難欺八字揭之牖上癸未之  
變賊執不屈逼至荊州不食死

三遊洞和石上韻云呼兒酌酒待詩成靜裏秋光分外明五客  
重尋三友洞四山迴合一溪鳴碑殘苔護驚人句樹老猿啼出  
峽聲日暮拂衣還徙倚懶於石上自題名

王永禩

字山如號葛山崇禎舉人官知縣

永禩敏于才讀書十行并下著述甚富燬于兵尤擅風雅所撰詩燈一洗楚人攻訐之習學者多宗之與漢陽熊伯龍爲兒女姻以詩文酬酢相得甚懽

王席民

字安生有集二卷

席民少補彝陵州學生遭亂辟匿山中胡際亨保湖南令掌書記城陷胡不屈死諸客咸縛將刑皆涕泗被面席民獨慷慨就死監者壯而釋之隸卒伍參將趙某奇其才引爲賓客間爲詩歌奉唐人爲師多感時嫉俗之言輒自焚其草存者僅二卷

朱節

竹垞撰墓誌

楊

紘

字祖綽

惜懽曲云攀樹折桃兒懷底襟頭各所私分爭總不持姊挽小  
妹耳小妹亂姊笄

龍爲紀

字在義有齋齊懶庵古  
翠堂勸影亭等詩稿

爲紀詩文以宋人入手蔚然深秀亦自可探同里中與游者如  
陳正言郭鍵輩皆一時名雋

雙泉道中云屐入深山山漸深碧空蒼翠落層陰襟迷小徑無  
人跡石隱危橋有鳥吟靜侶檐從溪外歇良朋宅向樹邊尋依  
稀谷口炊煙起鷄犬交傳喜不禁

國朝

羅宏備

字我生順治拔貢有習  
靜堂荆門山人等集

子應箕



宏備性孝友博學能文及入成均縱游燕齊吳越間吟詠日富  
所詣亦日進考授州判以將母不就

我生詩宗劍南如照水春衣薄移銚晚市紅嬾能消俗累貧且  
傍幽棲苦吟消永晝野步送閑愁習靜宜澆圃畱春莫閉門臨  
風數歸鳥隔樹認來人三游洞云吳蜀戰功隨水逝白蘇芳躅  
引入來皆雋雅樸茂似放翁興至卽景成句不事煅鍊自然渾  
成之作七古沈鬱排奐實大聲宏則又力追韓杜駕王李而上  
之矣

陸城行云出峽荒城背江渚傳是陸抗舊開府英雄雲散竟坵  
墟割據無人自今古西南蛇豕渡江來蜂屯蟻聚倚城隈周遭

鹿角憑深塹鐵騎千羣踏不開水列樓船岸立馬健兒酣戰堅  
城下火雷霹靂若天崩百里猶能落屋瓦降將無聞戰血漂馬  
頭枯骸作河橋利鏃自穿三尺土裹尸誰解舊征袍烏蠻頭并  
兒首同築京觀哀速朽兩魂相泣不相爭夜半燐淒風雨後憶  
昔城畔好園廬柑林蔬圃自成居桃花水漲麥苗綠遊人爭看  
赤谿魚去年流寇共拋棄士卒剗精塗此地何時厭亂解兵戈  
耕起遺金鑄農器醉示箕兒云懶拙成余性羈棲底事忙家貧  
曲禮廢世亂小兒荒笑作陶潛父難期陸賈郎若翁弗及處不  
在老能狂虎牙懷古云楚塞西門峻江流南紀雄崖吞巴子水  
帆閣大王風獨石無心立諸瀉盡力攻山容爭作隊鷗陣排迴

空嵐氣浮仙侶潺湲亂怒工長波傾夢渚餘險位蠶叢莫問蕭  
梁事何如蜀漢功艱難圖割據容易委漁翁過王敬敷辟兵處  
云孤岸原同癖招尋匪易期攜筇過短徑問字補前詩老雪凝  
成石輕煙散作絲莫嗟長守寂好共閱幽奇納涼云夜壑冥羣  
動秋河圻彼蒼得雷星露影漸覺枕衾涼石作幽人懶螢如熱  
客忙坐觀微物性靜躁本殊量秋夕云新月陷籬缺涼風搜壁  
根倩人尋酒舍抱病倚柴門雲氣當秋潔蛩音會夕繁此中無  
俗物幸不累詩魂清明云兩度移居未獲全孤心冷節倍依然  
花殘風雨逢寒食人老兵戈異舊年溝水碧分原上麥野魂淒  
斷墓門煙一春農事徒聞說十畝猶荒負郭田兵後過栗園訪

陳五玉介中云河山破碎總滄桑猶復騎驢問辟疆半夜鳥聲  
悽壞木一堆馬骨補頰牆鶯花應作先時業詩酒仍餘此日狂  
獨念元龍豪氣在更於何處置匡牀郡城雜感云饑鶴胡爲託  
市廛食爭鷄鶩感今年有妻羞割東方肉無客徒攜子敬毡比  
戶自多消渴酒探囊終少賣文錢壺飡雖小甯非惠烈士傷心  
在一憐觀兵入蜀云貔虎中流擁戟鉦蠶叢魚腹摠喧闐火雷  
燒斷公孫鎖鐵甲堆成鄧艾壘諸葛陣圖新壁壘巴人貢道舊  
樓船嶺嶺具有將軍臂十二峰頭學控弦泊青草灘云江頭落  
日浣春衫對此茫茫思欲芟山勢似曾加九錫水聲端不守三  
緘經年戰骨埋青草幾處烽煙斷白巖笑引寺僧間極目來舟

不是舊征帆宿孝子祠云祠內荒臺作佛居祠前古渡冷樵漁  
殘碑無字同秦立巋殿靈光異魯餘出壑鐘聲依浪遠隔江鐙  
影入林疏逢僧懶說逃禪事獨立甘泉憶往初再遊三遊洞云  
薰服芒鞋早辦裝重來攜酒興猶狂臨風野嘯隨溪響出谷春  
衣帶草香洞口土花封古字山腰人影動斜陽捫巖姓氏誰堪  
語一片寒碑白侍郎

應箕少卽穎敏嗜學詩工力悉敵蒼蒼茫茫前無古人是能獨  
承家學不墜宗風洵一時之雋也

同周柳溪靜夫昆仲青谿寺夜話云夜靜泉更響鐘殘翳復吐  
久別盡慙勤坦懷忘爾汝寒鷄若關情唱遠音何許野風打窗

紙欠伸共延伫缺月下西峯山影卧煙渚空濛淡靄間清景妙  
難語團蒲坐睡人警起安禪侶登天然塔望江云大江一瀉走  
東海百折千回窮真宰直驅彝陵四百灘岷山之源始一漚荆  
門十二何崔巍龍蟠蛟逸西向來山勢水勢不相下終古澎湃  
起風雷如此江山清且閒形勝漫誇百二關估客帆檣飛駭浪  
卻輸漁翁一釣竿孤塔突兀雄相向乘興登臨干霄上眼濶白  
來置身高千山萬山非一狀鬱塞我有萬古情江濤洶洶何時  
平男兒心思無今古俯仰虛憐短髻生當年幾輩務割據戰血  
都擁寒潮去餘霞斷靄晚峯青英雄豈子今何處拍手天半發  
狂歌白日欲墮奈愁何便思棲息峨眉頂遠溯江源踏洪波鷲

聽疏鐘隔岸聲空江不見有舟行蜀道三千蒼茫外金波鱗鱗  
孤月明遠安道中云孤城勢鬱盤碧障地天寬路入秦關險山  
夷蜀道難田腴河水滸村散樹林團古戍濃陰裏行人每解鞍  
送笨山和尚主席青谿云杖錫名山去諸方眾口芬寸心千尺  
水兩展萬峯雲慧業資龍象宗風斷見聞願將鐵如意高舉示  
紛紛龍女祠云懸崖遺跡在香火清宮留月上三潭曉窗空一  
鏡浮谿光團野色客思淡虛舟想像安禪叟蒼龍話古湫青溪  
方丈小坐云去住靈山近廿年棲心未許便安禪龍潭氣挾峯  
頭雨鬼谷雲封洞裏仙藏影溪流今古月留春樹老漢唐天空  
門寂寞風塵苦結想誰知各境牽宿龍女祠云老僧留客宿蘿

屋傍巖洞就枕不成眠  
泉聲繞幽夢  
夏日青谿雜詠云  
雲沈谿壑樹晴響  
寺樓鐘趁客來么  
鳳穿林避籜龍招鶴  
窗三面遮天柳十圍  
生涯僧院靜閒話篆  
煙微熱雲催急雨薄  
靄捲輕風數聲啼鳥  
亂滿澗落花紅泉清  
魚可數石欹樹疑扶  
策杖人何往眠琴客  
未孤

陳士望

字斗南號友韓明經官訓導有芝雲亭詩略

士望天才超軼于書多所瀏覽  
旁及象緯墳典諸家以古學起  
衰爲任

傲白雲歌贈友云  
東山卧白雲  
山前忽遇君  
君行已到雲深處  
雲卻辭君渡江去  
我招白雲雲不來  
請君樓上一尊開  
宋山云



壁立數峯起迴環二水交寒煙飛處斷清磬聽中遙猿鶴干雲  
歸松杉入夜潮茗香僧院靜逸思滿江皋春怨云飛盡梨花又  
柳花流鶯聲裏日初斜遊人滿卻春風願獨擁春愁是妾家秋  
日小甜童公橋云一望江天曉蒼茫度野橋雲殘峰勢起石落  
浪痕消瘦塞迎秋健晴帆出峽遙村翁知我倦攜酒坐相招平  
江閣觀江濤云哀猿夜叫巖壑怒神蛟隱隱拏煙霧眼底奇山  
一半浮扁舟木末如杯度槎帶雲奔飄渺間出沒洪濤只等閒  
虛閣靜涵千頃勢晚風橫截一江瀾堦前積雨苔痕起一榻宛  
然水中沚忽憶元圭未錫時禹之明德誠遠矣西城間眺云高  
樓重閣俯江流峽口煙濤一望收樹色參差舒倦眼水光上下

爲清秋雲間孤岫看成塔沙際輕舟望若鷗倚遍危欄逢老衲  
枯禪也自雪盈頭感遇云與世誰相知不如且飲酒尙友古之  
人古人復何有

羅宏鑰

字南宮 宏備從弟 有了閑詩集

元日州城卽事云東山紅上千林旭北郭青浮萬井煙老我鶯  
花經歲眼看人裘馬正芳年平原草色凝霜溼隔苑梅梢間柳  
妍一段勝因閒裏結茗香怪石點清泉荆門云灘響猶疑萬馬  
奔傷心中有未招魂羣山依舊翻江影亂石排空落水痕莽莽  
寒雲迷峽口荒荒白日下荆門卽今西塞烽煙絕幾度停舟感  
夜猿

毛一驄

字天選號杏山雍正拔貢有晴雪堂詩集

一驄博聞強識制府蓮柱以博學鴻詞薦中道卒

登筐覆山云翹首峰如削晴嵐景倍清到山纔有路問樹半無  
名犬自雲中吠僧來谷口迎奚童猶解事一杖引前程峽中吟  
云好友形骸外劇談肺腑中江山同逆旅天地一樊籠有我皆  
爲累因人不算窮君平卜肆近細問定行踪

何毓秀

字鍾嶽號皆樵雍正武進士由待衛官都司有待樵詩集

毓秀入典宿衛出掌戎旂性嗜經史喜詩歌晝校士卒夜接詞  
人雅歌投壺有儒將風尤善書出入兩文敏間尺幅斷秋珍若  
珙璧

三遊洞云化工畱勝蹟騷客費登臨碑碣存魚豕壺天自古今  
陰巖流水靜風磴落花深撫景懷元白他時共此心歸次吳城  
登望湖亭云一帆斜掛古彭蠡湖上孤亭取次躋秋水平鋪吳  
地盡遠山橫襯楚天低浮雲渺渺風方北倦鳥飛飛日未西卅  
歲乞身蒙 聖澤高堂春酒正堪攜一見云一見春風一改顏  
春來春去老人間不堪回首三更夢最易驚心兩鬢斑投筆已  
慙班定遠卧雲終愧謝東山頻年更有終天恨馬齒空增十二  
閑簡郭梅豁乞竹云爲愛浮筠覆藥欄肯燒玉版佐朝餐南湖  
杜若香同瘦西郭荼蘼月共寒問字客來陰作席抱琴人至簾  
爲冠奚童草就平安報日日柴門一探看

戈保泰

字未安貢生

保泰文章博雅尤工詩駢體亦追踪徐庾與羅宏備劉廷僖陳士望爲郅管之交詩歌酬唱無虛日

郭洲春望云選勝汀洲載酒過  
楚航風細引晴和無端怪石衝  
人立不斷遙峰學水波芳草連  
天沒馬跡暮煙匝地起漁歌醉  
來亦有兒童興拾得蘼蕪幾許多

馬一德

字元襄號白巖

一德少孤受學于里人張琦得其指授

宿筐覆山云憑高凌古寺夜靜覺山清  
客坐聞鐘磬僧來叩姓名瀑寒千尺瀉  
月出萬峰迎小閣茶煙碧殷勤慰遠程

郭相業

字元勛號梅翁  
有梅翁詩略

相業肆力詩古文詞以布衣老于幕府

過天堂山云爲訪山間勝同過逸老堂柳深鶯語滑花落燕泥  
香汲水供茶竈移尊就石床塵氛飛不到塵尾話偏長

覃宏澤

字蒼霖國學生  
有筠圃詩略

宏澤杜門著述所與游皆一時名宿旁通繪事尤工竹石

卽目云雲樹下荆門風帆時隱見斜陽滿江村人立斜陽岸

郭江

長夏偕同人游悠然亭云三徑未云荒猶存舊松菊池館蕭以  
疏紛焉簾林屋野水滋新篁鴉聲噪古木晴昔淵明公歸來遂

初服飲酒數晨夕親戚相徵逐烏衣子弟佳翩翩勤誦讀雲情  
北山北雨意南山南雲雨不可測逸興從中叅蒼江遠水動薄  
暮幽鳥還物理信無常盛衰在其間人生及時樂莫遣損朱顏  
春夜舟宿屏風閣下云江村殘照外小艇立蒼蘆雨氣歸青草  
溝聲走白洋山煙分雁路獵火照漁梁獨睡何能著愁禁此夜  
長送官軍南征云一紙軍書萬騎知長驅戎馬出關時三年數  
困征蠻卒六月徐興問罪師雨洗湘江停節鉞雲飛嶽麓暗旌  
旗功成演就平南曲仁聽饒歌唱健兒萬年寺訪小空上人云  
叅禪終日不言禪好懶身披破衲眠借問綠蘿溪上月經秋曾  
見幾回圓

顧綸炳

白燕云霓裳竟出烏衣種練質殊超越鳥胎掠地乍疑團雪舞  
啣泥似抱寸珠回應從昭漢宮中見曾向開元夢裏來不是尋  
常天女伴等閒鷹隼漫相猜

望世高

暮春渡江飲劉範維山房云臨流呼渡抱琴來爲訪劉伶共把  
杯買客船從巴峽下幽人門傍楚江開一年花散春將盡九陌  
塵多願已灰酒伴雅宜賦招隱世間何處有蓬萊

劉祖敬

望洲山歌云上山山路逼下山山路陡上山與下山徧多行人



走莫言山路窄莫言山路永世路繞羊腸人忽不自省

開大鑪

西陵晚眺云策杖登高岡江城盡在目夕陽雅背紅秋水鴨頭  
綠蟾光離海角影已掛松竹山頭鳥飛還溪畔人止宿林叟淡  
忘歸對景暢所欲緬懷桃源人同此無拘束漁歌杳不聞樵唱  
自成曲隔江來鐘聲穿林風斷續

楊可大

貢生

峽江對雨云密雲一望碧於油雨氣氤氳送客舟岸上猿聲巫  
峽暮煙中樹色楚臺秋風喧石灘波逾折霧亞蒲帆溼未收愛

趁漁歌新霽後蓬窗曉日度黃牛

洪素人江  
溪風驟集